



Justus Hansen
Inatsisartunut ilaasortaq, Demokraatit
Inatsisartut@inatsisartut.gl

**Kulusummi mittarfimmi ikualattoqarsimanera pillugu § 37 naapertorlugu
apeqquteqaammut 2025-188-imut akissut**

Dato: 11-11-2025
Sagsnr.: 2025 - 22995
ID. nr.: 78669613

Asasara Justus Hansen, Demokraatit

Inatsisartut suleriaasianni § 37 naapertorlugu Kulusummi mittarfimmi
ikuallattoqarsimanera pillugu Naalakkersuisunut apeqquteqaateqarputit. Apeqqutitit
uannit akineqartussatut innersuunneqarput. Apeqqutitit matuma kinguliani
ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqquut 1: Naalakkersuisut qanoq iliorusuppat qulakkeerumallugu, Kulusummi
mittarfimmi atortorissaarutit pisariaqartut tassanilu aamma de-icer
pissarsiarineqarnissaat qulakkeerniarlugu, Kulusummiit angallanneq qanittumi
ikuallannermit eqqugaaqqunagu?**

Akissut: Akissuteqarnissamut Greenland Airports A/S isumassarsiorfigineqarpoq,
tassanngaanniillu imatut ilisimatitsisoqarpoq:

*"18. Oktobari 2025-mi Kulusummi toqqorsiviup illutaani, mittarfimmut
attuomassuteqartumi annertuumik ikuallattoqarpoq. Ikuallattoqarnerani
ingerlatsinermit atortut pingaarutillit arlallit annaaneqarput,
taakkunungalu atortut, soorlu sermiiat, dieselimut tankvogni, kivitsissut
assaateerarlut, kiisalu kingoraartissat assigiinngitsut ilaapput. Mittarfiup
atortuinit pingaarnerit, tassalu biili qatserut, aputaajaanermut atortut
timmisartunullu orsersuut ajoqusinngillat, taakku illumi
toqqorsivimmiitinneqannginnamik.*

*Atortut annaasat naatsorsoreernerini Greenland Airports-imi sulisut
erngerlutik atortunik pisariaqartunik pisiortorlutik aallartipput. Annertuumik
suliniuteqartoqareernerani ukioq manna umiarsuup kingulliup sermiiat,
dieselimik orsersuinermit tankvogni, assakaasut, atortunut
kingoraartissat, nerisassat kioskimi tuniniagassat, ilaasunut unittunut
ajornartoormi nerisassat allarpassuillu nassarpai.*


*Ukioq manna umiarsuup kingulliup tikinnissaata, aammalu atortut
atorneqalernissaminut piareernissaasa tungaannut ingerlatsinermit
akimmiffissat ataasiakkaat pilersinnaapput. Illumi toqqorsivimmi
ikuallattoqarnera piffissami sivilisunerusumi Kalaallit Nunaata kangiani
ingerlatsinermit timmisartuussinermullu killilersuissanngitsaq Greenland
Airports-ip naatsorsuutigaa."*

**Apeqquut 2: Naalakkersuisut oqaluuserisamut soqutiginaatilinnik allanik
paasissutissiisannaanerlutik?**

Akissut: Naalakkersuisut allanik ilassutissaqanngillat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede